

# ხელშეკრულება სახელმწიფო შესყიდვის შესახებ N2.9.19/10/074

ქ. თბილისი

22 აგვისტო 2017 წელი

## 1. ხელშეკრულების დამდები მხარეები

ერთის მხრივ, ქალაქ თბილისის მუნიციპალიტეტის მთაწმინდის რაიონის გამგეობა (შემდგომში – „შემსყიდველი“), წარმოდგენილი გამგებლის - გელა არჩვაძის სახით და, მეორეს მხრივ, შპს „ჯეზა“, ს/კ 429322155 მისამართი: დუშეთის რაიონი, ს. მლაშე (შემდგომში - „მიმწოდებელი“), მისი დირექტორის - დავით ჯეზაშვილის სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

## 2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება, ხელშეკრულების ძალაში შესვლა და მოქმედების ვადა

2.1 ხელშეკრულების (შესყიდვის) ობიექტია - ქ. თბილისში, ნიაღვრის ქ. N13/2-ში მდებარე ავარიული სახლის შეკეთების წინმსწრებ-დამზღვევი სამუშაოები, რომელიც განსაზღვრულია ხელშეკრულებაზე თანდართული ხარჯთაღრიცხვით და წარმოადგენს მის განუყოფელ ნაწილს.

2.2 შესყიდვის საშუალება - გამარტივებული შესყიდვა („სახელმწიფო შესყიდვების შესახებ“ საქართველოს კანონის 10<sup>1</sup> მუხლის მე-3 პუნქტის „ბ“ ქვეპუნქტი, სახელმწიფო შესყიდვების სააგენტოს თავმჯდომარის განკარგულება N2352 21.08.17წ. **SMP170002045**).

2.3 ხელშეკრულების ღირებულება შეადგენს - 14944.10 (თოთხმეტიათასცხრაასორმოცდაოთხი ლარი 10 თეთრი) ლარს, ყველა გადასახადის ჩათვლით.

2.4 კლასიფიკატორის კოდი - **CPV 45262311**.

2.5 ხელშეკრულება ძალაში შედის გაფორმებისთანავე და მოქმედებს 2017 წლის 31 დეკემბრის ჩათვლით.

## 3. სამუშაოს შესრულების პირობები

3.1 შესყიდვის ობიექტის მიწოდების საბოლოო ვადაა 2017 წლის 23 ოქტომბერი.

3.2 მიწოდების ადგილი - ქ. თბილისი, ნიაღვრის ქ. N13/2.

3.3 სამუშაოების დასრულების შემდეგ მომწოდებელი ვალდებულია თავისი ძალებით და სახსრებით დაუყოვნებლივ გაათავისუფლოს სამუშაო ადგილი მანქანა-მექანიზმებისაგან, მოწყობილობა-დანადგარებისაგან, მასალებისაგან, და ა. შ.

## 4. შესრულებული სამუშაოს ხარისხი და გარანტია

4.1 შესრულებული სამუშაოს ხარისხის საგარანტიო ვადად სწორი ექსპლუატაციის პირობებში განისაზღვროს საბოლოო მიღება-ჩაბარების აქტის გაფორმებიდან 2 (ორი) წელი.

4.2 ხელშეკრულების ფარგლებში შესასრულებელი სამშენებლო სამუშაოების ხარისხი უნდა შეესაბამებოდეს საქართველოში მოქმედი და ხელშეკრულებით განსაზღვრული სამშენებლო ნორმებითა და წესებით გათვალისწინებულ მოთხოვნებს და სტანდარტებს. მიმწოდებლის მიერ შესრულებული სამუშაოს ტექნიკურ ზედამხედველობას განახორციელებს ა(ა)იპ „თბილისის მუნიციპალური ლაბორატორია“ (მომსახურების ღირებულების ანაზღაურებას უზრუნველყოფს შემსყიდველი).

4.3 სამუშაოების დასრულების შემდეგ საგარანტიო ვადის განმავლობაში რაიმე წუნის (ნაკლოვანებები, დეფექტი) აღმოჩენის შემთხვევაში, თუ დადგინდება რომ აღნიშნული წუნი (ნაკლოვანებები, დეფექტი) გამოწვეულია უხარისხო ან/და არაჯეროვანი შესრულებით, მიმწოდებელი ვალდებულია აღმოფხვრას წუნი საკუთარი ხარჯებით.

4.4. თუ მიმწოდებელი ნაკლის აღმოფხვრასთან დაკავშირებით მიღებული შეტყობინების შემდეგ არ შეასრულებს თავის ვალდებულებებს, შემსყიდველს უფლება აქვს მიმწოდებლისაგან მოითხოვოს დეფექტის აღმოფხვრის ხარჯი.

#### 5. ხელშეკრულების შესრულების კონტროლი (ინსპექტირება)

5.1 ხელშეკრულებით ნაკისრი ვალდებულებების შესრულების კონტროლს ნებისმიერ ეტაპზე ახორციელებს შემსყიდველი, ხოლო ტექნიკურ ზედამხედველობას ა(ა)იპ თბილისის მუნიციპალური ლაბორატორია.

5.2 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქ. თბილისის მუნიციპალიტეტის მთაწმინდის რაიონის გამგეობის ინფრასტრუქტურული პროექტების მართვისა და პროექტირების განყოფილების უფროსი - გრიგოლ ტულუში, მთავარი სპეციალისტები - იური გუბელიძე და ზაზა მეზურნიშვილი.

5.3 შემსყიდველის მოთხოვნის შემთხვევაში, მიმწოდებელი ვალდებულია მასალების გამოცდისათვის საჭირო სპეციალიზირებულ ლაბორატორიაში ჩაატაროს გამოსაყენებელი მასალების ხარისხის ყველა საკონტროლო ლაბორატორიული გამოცდები და შემოწმებები მათი გამოყენების ვარგისიანობაზე. ასეთ შემთხვევაში, სამუშაოების შესრულების დროს მიმწოდებელი ვალდებულია წარმოადგინოს გამოყენებული მასალების ლაბორატორიული დასკვნები და რეცეპტები, მათი ხარისხი უნდა შეესაბამებოდეს საქართველოში მოქმედ სტანდარტებსა და ნორმებს. მასალები უნდა ინახებოდეს დახურული წესით, გარდა იმ მასალებისა, რომელიც ნორმების მიხედვით ინახება ღია ცის ქვეშ.

5.4 იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი.

#### 6. შესყიდვის ობიექტის მიღება-ჩაბარების წესი

6.1 შესყიდვის ობიექტი ან მისი ნაწილი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

6.2 მიმწოდებელი ვალდებულია მიღება-ჩაბარების აქტის გაფორმებამდე წარმოადგინოს სსიპ „ლევან სამხარაულის სახ. ექსპერტიზის ეროვნული ბიუროს“ ან აკრედიტაციის ეროვნულ ცენტრში აკრედიტებული სხვა პირის მიერ გაცემული ექსპერტიზის დასკვნა შესრულებული სამუშაოს ღირებულების (ერთეულის ფასების) ფაქტიურ დანახარჯებთან შესაბამისობის შესახებ (საქართველოს მთავრობის 2014 წლის 14 იანვრის N55 დადგენილების შესაბამისად). ექსპერტიზის მომსახურების ღირებულებას ანაზღაურებს შემსყიდველი ხარჯთაღრიცხვაში ამ მიზნით გათვალისწინებული ხარჯების ფარგლებში წარმოდგენილი ფორმა N2-ის ღირებულებიდან გამომდინარე.

6.3 ხარჯთაღრიცხვით განსაზღვრული სამუშაოების მოცულობები შესაძლებელია შეიცვალოს, ფაქტიურად შესრულებული სამუშაოების გათვალისწინებით, ხელშეკრულების 5.2 პუნქტით განსაზღვრულ პირობებთან მიღწეული წინასწარი შეთანხმების საფუძველზე, რაზეც გაფორმდება შესაბამისი აქტი.

6.4 ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტების გაფორმებაზე პასუხისმგებელ პირებს წარმოადგენენ წინარე ხელშეკრულების მე-5 მუხლის 5.2 პუნქტში მითითებული პირები.

6.5 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6.6 შემსყიდველი უფლებამოსილია შუალედური ფორმა N2-ის წარმოდგენიდან არაუმეტეს 28 კალენდარული დღის ვადაში, წერილობითი სახით აცნობოს მიმწოდებელს საბოლოო შემოწმების შედეგები დაწინებულ სამუშაოს მოცულობის და წუნდების მიზეზის მითითებით.

6.7 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოადგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

## 7. ანგარიშსწორება და ანგარიშსწორების ვალუტა

- 7.1 ანგარიშსწორება მოხდება უნაღდო ანგარიშსწორებით ლარში.
- 7.2 ანგარიშსწორება მოხდება ადგილობრივი ბიუჯეტის სახსრებით, მიღება-ჩაბარების აქტის გაფორმებიდან 10 (ათი) სამუშაო დღის ვადაში.
- 7.3 ხელშეკრულების 8.2 და 8.3 პუნქტების დარღვევის შემთხვევაში მიმწოდებელზე დაკისრებული პირგასამტეხლოს ანაზღაურებამდე შემსყიდველი უფლებამოსილია უარი თქვას ანგარიშსწორებაზე. ამ შემთხვევაში ანგარიშსწორება განხორციელდება მიმწოდებლის მიერ შესაბამის ანგარიშზე დაკისრებული პირგასამტეხლოს გადახდის შემდეგ.

## 8. ხელშეკრულების პირობების შეუსრულებლობა (საჯარიმო სანქციები, ფორმა, ოდენობა, და გადახდის ვადები)

- 8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.
- 8.2 მიმწოდებელი იღებს ვალდებულებას შესყიდვის ობიექტის (ნაწილის) მიწოდების ვადის დარღვევის შემთხვევაში გადაუხადოს პირგასამტეხლო შემსყიდველს ხელშეკრულების საერთო ღირებულების 0,1%-ის ოდენობით ყოველ გადაგადაცილებულ დღეზე.
- 8.3 შესყიდვის ობიექტის (ნაწილის) მიწოდების ვადის 15 (თხუთმეტი) კალენდარულ დღეზე მეტი ვადით გადაცილების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება, რაც გამოიწვევს მიმწოდებლის დაჯარიმებას ხელშეკრულების საერთო ღირებულების 5%-ის ოდენობით და ხელშეკრულება ჩაითვლება შეუსრულებლად.
- 8.4 ხელშეკრულებით გათვალისწინებული ვალდებულებების შეუსრულებლობად ჩაითვლება აგრეთვე დავალებით გათვალისწინებული სამუშაოების (ნაწილის) არასრული მოცულობით შესრულება, თუ ამ მიზეზით შეუძლებელია შესყიდვის ობიექტის ექსპლუატაციაში მიღება. აღნიშნული გამოიწვევს მიმწოდებლის დაჯარიმებას ხელშეკრულების საერთო ღირებულების 5%-ის ოდენობით.
- 8.5 მიმწოდებლის მიზეზით ხელშეკრულების არაჯეროვნად (შესყიდვის ობიექტის ნაწილის არასათანადო ხარისხით) შესრულების შემთხვევაში (თუ ამ მიზეზის მიუხედავად, შესაძლებელია შესყიდვის ობიექტის ექსპლუატაციაში მიღება), მიმწოდებელი დაჯარიმდება ხელშეკრულების საერთო ღირებულების 1%-ის ოდენობით.
- 8.6 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვის ვადაში.
- 8.7 ხელშეკრულების 7.2 პუნქტის მოთხოვნის დარღვევის შემთხვევაში, მიმწოდებელს უფლება აქვს მოთხოვოს შემსყიდველს პირგასამტეხლო ჩასარიცხი თანხის 0,5%-ის ოდენობით, ყოველ გადაგადაცილებულ დღეზე, გარდა იმ შემთხვევისა, როდესაც ეს მოხდა შემსყიდველისაგან დამოუკიდებელი მიზეზით.
- 8.8 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

## 9. ხელშეკრულების შეწყვეტა

- 9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.
- 9.2 მიმწოდებელი ვალდებულია შეატყობინოს შემსყიდველს ცალმხრივად შეწყვეტის შესახებ მიღებული გადაწყვეტილება, მისი მიღების საფუძველი და ამოქმედების თარიღი, ხოლო შემსყიდველმა აცნობოს მიმწოდებელს ცალმხრივად შეწყვეტის შესახებ მიღებული გადაწყვეტილება და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ ხელშეკრულებით ნაკისრი ვალდებულებების დარღვევის შემთხვევაში;

ბ) მიმწოდებლის მიერ ხელშეკრულების გაფორმებიდან სამუშაოების დაწყების 10 (ათი) კალენდარულ დღეზე მეტი ვადით გადაცილების შემთხვევაში.

გ) მიმწოდებლის მიერ სამუშაოს საბოლოო შესრულების ვადის 15 (თხუთმეტი) კალენდარულ დღეზე მეტი ვადით გადაცილების შემთხვევაში.

დ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ე) საქართველოს კანონმდებლობით გათვალისწინებულ სხვა შემთხვევებში.

9.6 ამ მუხლის 9.5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოების ღირებულება, მიმწოდებლისათვის დაკისრებული პირგასამტეხლოს თანხის გადახდის შემდეგ.

9.7 ხელშეკრულების შეწყვეტა შესაძლებელია აგრეთვე მხარეთა ურთიერთშეთანხმებით, საქართველოს კანონმდებლობით გათვალისწინებული პირობებით.

## 10. ფორს-მაჟორი

10.1 ფორსმაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

## 11. უსაფრთხოება და გარემოს დაცვა

11.1 მიმწოდებელმა სამუშაოების განხორციელების განმავლობაში საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

11.2 მიმწოდებელმა უნდა უზრუნველყოს სამუშაო ადგილის ფარგლებში გარემოზე ეკოლოგიური ზემოქმედების, მუშაობით გამოწვეული ხმაურის, ვიბრაციის და მტვრის გავლენის მინიმუმადე დაყვანა.

11.3 მიმწოდებელი საქართველოში ტექნიკური უსაფრთხოების და გარემოს დაცვასთან დაკავშირებით მოქმედი კანონების და ნორმების შესაბამისად ვალდებულია მიიღოს უსაფრთხოების აუცილებელი ზომები მშენებლობის ზონაში ხანძრის გაჩენის და აფეთქების თავიდან ასაცილებლად.

11.4 მიმწოდებელი ვალდებულია სამუშაოები შეასრულოს საქართველოში მოქმედი კანონმდებლობით დადგენილი უსაფრთხოების ნორმების დაცვით. აღნიშნულ ნორმათა დარღვევის შემთხვევაში, მიმწოდებელს ყოველ კონკრეტულ დარღვევაზე დაეკისრება შესაბამისი კანონმდებლობით გათვალისწინებული ჯარიმა.

11.5 ჯარიმის გადახდა მიმწოდებელს არ ათავისუფლებს დარღვევის აღმოფხვრისაგან.

## 12. ხელშეკრულებაში ცვლილებების შეტანა

12.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია.

12.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

## 13. უფლებების გადაცემა

13.1 ხელშეკრულებით განსაზღვრული ვალდებულებების მთლიანი ან ნაწილობრივი უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

## 14. ღირებულების შეცვლის პირობები

14.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

14.2 ხელშეკრულების ღირებულების პარამეტრების (ერთეულის ფასის) შეცვლა დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

14.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

14.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

## 15. ურთიერთობა ხელშეკრულების დამდებ მხარეებს შორის

15.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

15.2 შეტყობინება შედის ძალაში ადრესატის მიერ მისი მიღების დღეს.

## 16. სადაო საკითხების გადაწყვეტა

16.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით.

16.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

16.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

16.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

16.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

## 17. სხვა პირობები

17.1. ამ ხელშეკრულებით გათვალისწინებული პირობები რეგულირდება საქართველოს კანონმდებლობით.

17.2. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

## 18. მხარეთა იურიდიული რეკვიზიტები

შემსყიდველი:

ქ. თბილისის მუნიციპალიტეტის  
მთაწმინდის რაიონის გამგეობა  
ს/კოდი: 204521954  
მის: ძმ. ზუბალაშვილების ქ. №48.  
ხაზინის ერთიანი ანგარიში  
სახელმწიფო ხაზინა  
ბანკის კოდი TRESGE22

გელა არჩვაძე

მიმწოდებელი:

შპს „ჯება“, ს/კ 429322155  
მისამართი: დუშეთის რაიონი, ს. მლაშე,  
სს „საქართველოს ბანკი“  
ა/ა №GE29 BG 0000 0006 0445 5400  
ბ/კოდი BAGAGE22

დავით ჯებაშვილი

ქ. თბილისში, ნიაღვრის ქ. N13/2-ში მდებარე ავარიული სახლის შეკეთების წინმსწრებ-დამზღვევი სამუშაოების ხარჯთაღრიცხვა

№	სამუშაოების, რესურსების დასახელება	განზ-ბა	ნორმატიული რესურსი		მასალა		ხელფასი		ტრანსპორტი და მანქანა-მექანიზმები		ჯამი
			ერთ ეული	სულ	ერთ. ფასი	ჯამი	ერთ. ფასი	ჯამი	ერთ. ფასი	ჯამი	
1	2	3	4	5	6	7	8	9	10	11	12
1	არსებული დაზიანებული კედლის დემონტაჟი	1 მ <sup>3</sup>		5.60							
	შრომის დანახარჯი	კაც/სთ	6.50	36.40			4.60	167.44			167.44
	მანქანები	ლარი	1.80	10.08					3.20	32.26	32.26
2	II ჯგუფის გრუნტის დამუშავება	100 მ <sup>3</sup>		0.11							
	შრომის დანახარჯი	კაც/სთ	239.00	26.29			4.60	120.93			120.93
	ამწე გადასატანი ტვირთამწეობით 1 ტ	მანქ/სთ	77.50	8.53					9.32	79.45	79.45
3	საფუძვლის მომზადება ღორღით	100 მ <sup>3</sup>		0.011							
	შრომის დანახარჯი	კაც/სთ	164.00	1.80			4.60	8.30			8.30
	მანქანები	ლარი	52.90	0.58					3.20	1.86	1.86
	ღორღი	მ <sup>3</sup>	122	1.34	16.10	21.61					21.61
4	ლითონის გამაგრებისათვის რკბეტონის საძირკვლის მოწყობა B-20 ბეტონით (F150, W4)	100 მ <sup>3</sup>		0.020							
	შრომის დანახარჯი	კაც/სთ	925.00	18.50			4.60	85.10			85.10
	მანქანები	ლარი	114.00	2.28					3.20	7.30	7.30
	არმატურა A-III	ტ	პროექ.	0.500	1272.00	636.00					636.00
	არმატურა A-I	ტ	პროექ.	0.010	1295.00	12.95					12.95
	ბეტონი B-20	მ <sup>3</sup>		101.5	2.03	108.00	219.24				219.24
	ყალიბის ფარი	მ <sup>2</sup>		176	3.52	27.00	95.04				95.04
	ხის ძელი, IIIხ. 40-60 მმ-იანი	მ <sup>3</sup>		0.33	0.01	378.00	2.49				2.49
	ფიცარი ჩამოგანილი, IIIხ. 40მმ-იანი და ზემოთ	მ <sup>3</sup>		3.66	0.07	361.00	26.43				26.43
	სამშენებლო ქანჩი	ტ		0.21	0.00	4200.00	17.64				17.64
	ელექტროდი	ტ		0.27	0.01	4250.00	22.95				22.95
	სხვა მასალები	ლარი		32	0.64	3.20	2.05				2.05
5	გამაგრების მოწყობა ლითონის ელემენტებით	ტ		1.758							
	შრომის დანახარჯი	კაც/სთ	41.900	73.66			10.00	736.60			736.60
	მანქანები	ლარი	30.50	53.62					3.20	171.58	171.58
	კუთხოვანა 120X120X10	ტ	პროექ.	0.8	1680.00	1344.00					1344.00
	შველერი [12	ტ	პროექ.	0.708	1750.00	1239.00					1239.00
	ლითონის ზოლოვანა 60X6	ტ	პროექ.	0.05	1750.00	87.50					87.50
	ლითონის ფურცელი სისქით 10 მმ	ტ	პროექ.	0.05	1750.00	87.50					87.50
	არმატურა A-III	ტ	პროექ.	0.150	1272.00	190.80					190.80
	სხვა მასალები	ლარი		4.57	8.03	3.20	25.71				25.71
6	დაზიანებულ კედლებზე არმატურის ბადის მოწყობა	ტ		0.80							
	შრომის დანახარჯი	კაც/სთ	41.900	33.52			6.00	201.12			201.12

1	2	3	4	5	6	7	8	9	10	11	12
	მანქანები	ლარი	30.50	24.40					3.20	78.08	78.08
	არმატურა A-III	ტ	პროექ.	0.80	1 272.00	1 017.60					1 017.60
7	გამაგრებული კედლების შეღესვა ქვიშაცემენტის ხსნარით პირველი პირი 7 სმ სისქით.	100 მ <sup>2</sup>		0.80							
	შრომის დანახარჯი	კაც/სთ	57.40	45.92			6.00	275.52			275.52
	ხსნარის ტუმბო 3 მ3/სთ	მანქ/სთ	2.40	1.92					6.92	13.29	13.29
	სხვა მანქანები	ლარი	2.10	1.68					3.20	5.38	5.38
	ქვიშაცემენტის ხსნარი მოსაპირკეთებელი 1:1	მ <sup>3</sup>	პროექ.	5.60	110.00	616.00					616.00
8	კედლების ამოშენება არსებული აგურით, ახლის დამატებით	მ <sup>3</sup>		4.70							
	შრომის დანახარჯი	კაც/სთ	4.23	19.88			20.00	397.62			397.62
	მანქანები	ლარი	0.780	3.67					3.20	11.73	11.73
	ახალი აგური	ც	პროექ.	600.000	0.35	210.00					210.00
	ცემენტის ხსნარი "მ-50"	მ <sup>3</sup>	0.23	1.081	80.00	86.48					86.48
	სხვა მასალები	ლარი	0.1700	0.799	3.20	2.56					2.56
9	კედლის აგურის წყობებს შორის გამოფიტული ღრეჩობის ამოღესვა ქვიშაცემენტის ხსნარით	100 მ <sup>2</sup>		0.96							
	შრომის დანახარჯი	კაც/სთ	57.40	55.10			6.00	330.62			330.62
	ხსნარის ტუმბო 3 მ3/სთ	მანქ/სთ	2.40	2.30					6.92	15.94	15.94
	სხვა მანქანები	ლარი	2.10	2.02					3.20	6.45	6.45
	ქვიშაცემენტის ხსნარი მოსაპირკეთებელი 1:1	მ <sup>3</sup>	პროექ.	4.80	110.00	528.00					528.00
10	მიწის და სამშენებლო ნაგვის ხელით დატვირთვა ავტოთვიტმცლელზე	ტ		29.88							
	შრომის დანახარჯი	კაც/სთ	0.53	20.90			4.60	96.16			96.16
11	მიწის და სამშენებლო ნაგვის გაზიდვა ავტოთვიტმცლელებით 30 კმ-მდე მანძილზე	ტ		59.6					12.31	733.68	733.68
	ლოკალური უწყისის ჯამი	ლარი				6491.54		2419.42		1156.99	10067.95
	ზედნადები ხარჯი 10%										1006.79
	ჯამი	ლარი									11074.74
	მოგება 8%										885.98
	ჯამი	ლარი									11960.72
	გაუთვალისწინებელი ხარჯი 3%										358.82
	ჯამი	ლარი									12319.55
	დღგ 18%										2217.52
	სულ ხარჯთაღრიცხვით										14537.06
	შესრულებული სამუშაოს ექსპერტიზის ღირებულება	2.2%									407.04
	მთლიანი ღირებულება										14944.10

შემსყიდველი:

გელა არჩვაძე



მიმწოდებელი:

დავით ჯებაშვილი





ხ ე ლ წ ე რ ი ლ ი

ქ. თბილისი

22 აგვისტო 2017 წ.

ვადასტურებ, რომ ჩემი მონაწილეობა შპს „ჯება“-სთან ქ. თბილისის მუნიციპალიტეტის მთაწმინდის რაიონის გამგეობის მიერ 2017 წლის 22 აგვისტოს გაფორმებული N2.9.19/10/074 ხელშეკრულების (ქ. თბილისში, ნიაღვრის ქ. N13/2-ში მდებარე ავარიული სახლის შეკეთების წინმსწრებ-დამზღვევი სამუშაოები) სახელმწიფო შესყიდვის შერჩევის პროცედურასა და პირობების შესრულების კონტროლთან დაკავშირებულ საქმიანობაში არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს.


ხელშეკრულების შესრულებასა და კონტროლზე პასუხისმგებელი პირ(ებ)ი:



გ. არჩვაძე



გ. ტულუმი



ბ. შიუკაშვილი



ზ. მეზურნიშვილი



ი. გუბელიძე